

吐魯番發現墓專記

黃文弼

吐魯番在天山南路西北距迪化六日程城西二十里爲雅爾湖纏族名雅爾果爾果爾爲崖岸之義故應名爲雅爾崖崖東有一平原泉水湧出居民散布其上或居崖下溝中爲吐魯番富庶村莊之一

在村莊之西有古城遺址頽垣滿野作橢圓形位於兩道甚深之河牀中間以城址居於崖岸上故土人又稱此城爲崖城此二河牀在古時本爲兩河環流域之兩旁至城之南端而合故古名交河現分四溝頭二道溝發源於約干特勒克達克西南流四十里經行戈壁分爲二道一南流爲頭道溝一西南流爲二道溝約三十里至古城之東北隅而合流於城東三道溝纏名阿子格窪克